

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第六八冊

地方志人物傳記資料叢刊

國

家

圖

書

館

編

北京圖書館出版社

第六十八冊目錄

(同治)豐城縣志

人物志(一)		一
仕績(一)		
人物志(二)		四九
仕績(二)		
人物志(三)		一一一
仕績(三)		
人物志(四)		一八五
仕績(四)		
人物志(五)		二八七
儒林		

人物志(六)		三三九
文苑		
人物志(七)		三九三
忠貞		
人物志(八)		四七五
孝友		
高行		五三九
人物志(九)		五五五
善士(一)		
人物志(十)		六二七
善士(二)		
人物志(十一)		七〇三
壽民		
方技		七一五
寓賢		七二三

豐城縣志卷之十一

人物志

仕績

儒林

文苑

忠貞

孝友

高行

善士

壽民

方伎

寓賢

列女

劍氣騰蹕上薄牛斗鬱爲奇英篤生非偶名公鉅卿循吏賢守道德文章忠貞孝友高行寓賢並堪不朽藝事成名期頤享壽善婢宋清節儕陶母一邑之中舉不多有博採旁搜列傳如後前哲典型輝映江右作人物志

豐城縣志卷之十一

人物志一

仕績一
目錄

唐

王季友

宋

李

秉
子君伯 從弟仲詢
從子冕 亢

何延世
族子莫
莫姪時升

李

登

孫發

孫伯溫

黃得禮

子彥輔
曾孫疇若 彥平

江端本

孫文柔

范

璿
子德

袁抗

黃誠

鄒揚

雷觀

徐升

李惟深

王樞

陸筠

曾光

徐如晦

劉德秀

鄧元

孟程

王衡仲

曾祖邦作

范仲武

范應鈴

王武子

袁漸

徐應雲

涂應雷

張宏毅

徐經孫

范嚴

王義端

兄義山

熊大經

李龍庚

子毅通

徐思立

范壽

范宜損

王定孫

李嗣俊

元

熊介

鄔至善

龔國祥

徐智

子得中

甘朝舉

于有信

豐城縣志卷之十一

人物志一

仕績一

唐

王季友雲嶺里人博極羣書能詩舉開元進士李勉爲江
西觀察使甚敬之表監察御史厯遷御史中丞杜甫有
詩云丈夫正色動引經豐城客子王季友羣書萬卷常
暗誦孝經一通看在手豫章太守高帝孫引爲賓客敬
頗久明月無瑕豈容易紫氣鬱鬱猶衝斗用爲義和天
爲成用平水土地爲厚死爲星辰終不滅致君堯舜焉

肯朽吾輩碌碌飽飯行風后力牧長回首其賞慕之如

此自號雲峯居士宋黃彥平請祀學宮東序

參省志

省志云唐乾元中元結嘗編沈千運千遜孟雲卿張彪趙徵明元季川及季友七人詩曰篋中集以季友爲河南人合諸杜甫豐城客子之句則王似籍河南而寓豐城者也林志安志俱本豫章圖經作豐城人白志因之考南唐時有豐城王子邳者爲季友四世孫則季友爲豐城人可徵也

宋

李秉字子正篠塘人景祐進士文學行誼爲同年司馬光

范鎮所引重以屯田員外郎累官郎中宿州刺史所至

以循良稱同時過昱之純孝何延世之清直並稱爲三

郎中子君伯餘干尉以獲賊功授承務郎知徐州蕭縣

從弟仲詢金谿尉秘書省校書郎

集

從子冕字君儀弱冠與弟茂元省舅晏殊於京師數月
請歸晏曰比當郊天吾奏汝一官冕謝曰冕自勵以圖
後舉茂元舅宜恩之明年茂元補太廟齋郎冕調崇安
簿民謝叟無子養他姓兒致富後婢生一兒叟垂死戒
曰吾故貧藉汝兄佐吾致富分財當優之婢兒壯詣官
乞還兄姓冕詰婢兒不服更訴州蔡襄爲運使行縣冕
迎白曰法順人情今與同艱苦致豐裕終奪而窘之非
人情也且違其父志襄曰微主簿言吾幾誤任法矣具
奏著爲令續爲舒之司理懷寧令稱獲劫盜十三人冕

疑中有自首及爲從宜減者必縣覲賞典匿其詞乃請覆訊果活三人時王安石爲州判私語冕曰果爾令當抵罪冕曰活囚而陷令非吾心也聽令盡易獄詞安石喜曰明且仁者也其爲治類如此

亢字君起亦秉從子以恩試將作監主簿爲泉州戶曹憲使按部以清節薦爲臨川丞攝南豐縣事疏宿弊理積逋省徭役平獄訟政化大行未幾以病歸

何延世字楸之畱臺里人第進士爲都官郎中有清直聲與過昱李秉齊名繼爲連潮二郡守與周濂溪同官相友善熙寧五年入覲卒京邸邑人孫啟復試澤宮爲輟

試扶櫬歸延世爲詩清麗今不傳族子莫字亨道以進士調鄂工曹既仕猶刻苦讀書臨事明決如老吏莫姪時升有名大學自號半隱與程伯玉善當時稱爲程何云

李登字仲圭篠塘人紹定鄉薦授耒陽簿時湖南被兵守臣委督修城壘規畫有方竣事民不知役再調吉水丞行經界覈田高下以則定等賦均而民樂輸及代郡守魏峙知登清貧檄納秋苗可資給歸橐登代至卽行秋毫無取季弟鰥居宦遊必與偕嫁其女如己子宮止潭

州糧料院

孫發字妙仲同造里人元祐進士補崇仁尉民有盜宗人財就執而父病死遂誣宗人傷之發按得情民大窘自醉其盲弟廢一手聞於州州疑寃移獄有司迎合發力辨不已作截臂行仕終永豐令

孫伯溫字南叟同造里人紹熙進士補慈利簿以鄉人范伯舉當調南城年高次遠因以慈利與范已需次八年始調龍城校官改知新昌爲治先教化而後刑罰揭縣門曰有寃可訴無理莫來豪民競田伯溫繩以法乘間妻斐遂以罪去新昌人有平田謠再知臨湘未任卒伯溫嘗師楊慈湖簡又從漕使楊方受爲己之戒每謂學

者當知三坑四關之病有利欲坑文義坑枯寂坑惟義利是生死關誠僞是虛實關敬肆是安危關動靜是吉凶關知此則可以爲士書無所不讀爲文師韓柳詩法黃陳金石刻詞尤得體歿龍城人祠祀之

黃得禮字執中沅江人元祐進士終柳州推官靖國初應詔言事略曰嘉祐熙寧之法仁祖神宗所爲也而主熙寧之說者曰必爲之更變主嘉祐之說者曰必爲之守常分曹爲朋迭立勝負宿怨快于私門實禍歸于公家朝廷顧何所賴唯天子建中和之極擇其善者從而增損之此行法之要也人才實難口語疑似無四兇之罪

而加以流竄之刑瘴霧蠻煙不死不已遺骸旅櫬雖死不還士有持平守正如彭汝礪葉濤之徒其言未必見省此風不革異日必有服刑都市慘夷五族之法聞於上者矣願朝廷退人以禮宰輔爲國受言變薦紳錙薄之風增社稷靈長之福此任人之要也世以爲篤論子彥輔彥平望堯

彥輔字伯強政和進士有文學著論刊落陳言官終吉水令以清惠著名

彥平字季岑宣和進士初試國學第一時方申元祐學禁疑爲山谷族屬抑置第四授信陽軍教授移池州士

曹靖康初遷博士坐與李綱善謫監虢州銅塲建炎二年擢尙書吏部員外郎撫諭京東西路使還丐外出知筠州丁母憂起爲吏部郎中入對力陳日食之咎又進校旗大閱法會金兵至淮南告捷彥平言策功行賞勸沮所係因條上三策乞解大將軍逗留者節鉞授偏裨立功者時朝廷正罷劉光世兵柄命呂祉代之彥平言光世固當罷祉亦非御衆才不報其言卒驗紹興初諫官極論學者宗程灝兄弟之弊有旨戒飭彥平時權禮部郎官與侍郎董棻爭於朝事直而謗議隨起旋以數論事爲媚嫉者擠出提點湖南刑獄任官祠九年知邵

州終朝散大夫

疇若字伯庸得禮曾孫少孤外大母杜教養之登淳熙進士授祁陽簿民有訴僧爲盜殺人疇若疑無證力白提點刑獄馬大同卒得真盜知廬陵縣嘗以六月督畸零稅念民方艱食取縣用錢三千餘緡代輸兩年治爲諸邑最召赴行在監進奏院應詔上三急務一賦斂無藝一軍政無法一守令無狀主大府寺簿考博學宏詞科拔真德秀雷元剛列高等擢監察御史首論天子擇宰相宰相擇監司善爲國者必以恐懼修省之事陳於前善爲相者必以危亡災異之事告於上會侂冑罷勾